

Papia 3 Jon da Mandagit

But piso gen

2 Jonon mandagit unuden gin on papia mandagit amin da iyi do 'kila amin' kinda yan yosok. Amin morapmi da Jon Yesu dakon panjet kinda da mandagit yan nandan.

Jon da papia on kila amin kinda mani Gaius unun do mandagit. Gaius dakon man awigigit, nido Yesu yolyol amin diwari panpulugagit. Ae amin kinda mani Diotrepes unun kan kimotjak do iyigit, nido Diotrepes da Yesu dakon gen bin tagisi yogok amin yolban kiwit. (Gagi 9-10 do koki.)

Pinjkop dakon pi amin panpulugoneh

¹ Nak panmuwukbi dakon kila amin da notnosi Gaius gak do papia on mandan gamisat. Nak asisi gak do but dasi galak tan gamisat.

² Not giman, wupgo tagisi tosok, unuden gin yo morap asal unun abi tagisi noman toni, ae giptingo yo kisi tagisi tosak yan do bisit asat.

³ Panmuwukbi notnin di da abin gak da gen bami abidan kimagek egisal unun dakon geni nayinba but galak madepsi nandagim.

⁴ Nak dakon minjat monjiyono gen bami yolgan dakon geni nandisat bisapmon kisik kisik diwari nandisat unun yapmanek kisik kisik madepsi nandisat.

Gaius pi tagisi agit

⁵ Not giman, gak but dasi nandanek paᅇmuwukbi not paᅇpulugosol. Ae diᅇma nandanᅇ yomisal, mani yum pindagek paᅇpulugosol, do gak pi tagisi kindanᅇ asal.

⁶ Diwari da on paᅇmuwukbi kabikon abinᅇ gak da amin do but dasi galak taᅇ yomisal uᅇun dakon geni yaᅇba nandagimanᅇ. Gepmaᅇ degek kik do ani bisapmon Piᅇkop da nandisak uᅇun da aripmon paᅇpulugok abi.

⁷ Yesu dakon pi ak do nandanek kinᅇ pi uᅇun anek Piᅇkop diᅇma nandanᅇ imanᅇ amin kabikon paᅇpulugok di diᅇma timikganᅇ.

⁸ Nin Piᅇkop dakon pi amin uᅇuden paᅇpulugoneᅇ kaᅇ tagisi. Yaᅇ anek kaᅇdo nin uᅇun gat pi kalonᅇ anek Piᅇkop dakon gen bami jonᅇtneᅇ.

Diotrepes anᅇpak yokwi agit

⁹ Nak gen diwari paᅇmuwukbi do kili mandagim, mani Diotrepes uᅇun mibiltok amini egip do nandisak, do nin dakon gen diᅇma nandisak.

¹⁰ Yaᅇdo, opbeᅇ kaᅇ anᅇpak asak uᅇun do yaᅇkwok abeᅇ. Uᅇun nin do yaᅇba yok anek gen yokwi mibili mibili yosok. Ae Yesu dakon pi amin yutnikon diᅇma paᅇkisak. Ae uᅇun gin diᅇma, paᅇmuwukbi da pi amin iyi da yutnon paᅇkik do aba yaᅇsop anyomisak. Ae paᅇmuwukbi kabi da waᅇga egipni do yoldak.

Demitius anᅇpak tagisi agit

¹¹ Not gimano Gaius, anᅇpak yokwi diᅇma yolek abi, anᅇpak tagisi baᅇ yolek abi. Amin kindanᅇ anᅇpak

tagi asak uŋun Piŋkop dakon amin. Mani amin kında anpak yokwi asak uŋun Piŋkop dıma kaŋbi.

¹² Amin kisi da Demitius dakon anpak tagisi uŋun do yoŋ. Ae Piŋkop dakon gen bami uŋunyo kisi anpakni tagisi uŋun da antenteŋ asak. Ninyo kisi anpakni tagisi uŋun do yomaŋ. Diŋi nandaŋ, gen uŋun bamisi yomaŋ.

Kıla amin da Gaius kok do nandaŋit

¹³ Gen morapmi toŋ, mani papiakon mandak do dıma nandisat.

¹⁴ Abiŋ gandabo gen yaŋ nandat andeŋ kaŋ, tagisi yaŋ nandisat.

¹⁵ But yawot gagon toŋ. Notgoni idon ekwamaŋ uŋun da gildat tagi yaŋ gayaŋ. Notnoni uŋudon ekwaŋ amin kalon kalon manikon da gildat tagi yaŋ yoyiŋ yoyiŋ aki.

PIN^KOP GEN
The New Testament and Psalms in the Yopno Language
of Papua New Guinea
Nupela Testamen na Buk Song long tokples Yopno long
Niugini

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 1 Oct 2024 from source files dated 31 Aug 2023

b683ce50-d820-5bfc-8471-d8ee080be106